

Bosna i Hercegovina
Federacija Bosne i Hercegovine
Unsko-sanski kanton
OPĆINA VELIKA KLADUŠA
Općinsko vijeće
- Komisija za odlikovanja i
druga javna priznanja -

Broj: 01-05-331/19
Velika Kladaša, 11.12.2019. godine

Na osnovu člana 17. stav 1. Odluke o javnim priznanjima Općine Velika Kladaša («Službeni glasnik Općine Velika Kladaša», broj: 5/07), Komisija za odlikovanja i druga javna priznanja Općinskog vijeća Općine Velika Kladaša, povodom 23. februara, Dana Općine,

RASPISUJE JAVNO OBAVJEŠTENJE
za podnošenje prijedloga za dodjelu javnih priznanja Općine
Velika Kladaša u 2020. godini

- **POČASNI GRAĐANIN OPĆINE VELIKA KLADUŠA, (dodjeljuje se isključivo licima koja nemaju prebivalište na području Općine Velika Kladaša),**
- **FEBRUARSKA NAGRADA OPĆINE VELIKA KLADUŠA, (dodjeljuje se isključivo fizičkim licima),**
- **PLAKETA OPĆINE VELIKA KLADUŠA, (dodjeljuje se pravnim i fizičkim licima) i**
- **ZAHVALNICA OPĆINE VELIKA KLADUŠA, (dodjeljuje se pravnim i fizičkim licima)**

1. KRITERIJI ZA DODJELU JAVNIH PRIZANJA

a) za fizičke osobe

- da se radi o istaknutim pojedincima koji su svojim kontinuiranim i izuzetno značajnim naučnim, kulturno-umjetničkim, pedagoškim, sportskim, humanitarnim, privrednim ili drugim javnim radom dali trajan doprinos u razvoju Općine Velika Kladaša i ostvarili izuzetne rezultate i trajne vrijednosti na unapređenju stanja i razvoja pojedine oblasti, te dali doprinos afirmaciji i jačanju ugleda Općine na području Kantona, F BiH i države BiH, odnosno za doprinos općem napretku i miru u zemlji i svijetu,

- da se radi o pojedincima koji u svojoj radnoj i životnoj sredini uživaju ugled dobrog komšije, primjerenog djelatnika i stručnjaka, te poštenog i vrijednog čovjeka.

b) za pravne osobe

- da su u periodu koji prethodi dodjeli priznanja ostvarile izuzetne poslovne i druge rezultate i trajne vrijednosti u ukupnom privrednom, kulturnom, naučnom, sportskom, obrazovnom i društvenom razvitku Općine Velika Kladaša i na taj način dale konkretan doprinos sveopćem afirmisanju i ugledu Općine.

2. NAČIN PREDLAGANJA I SASTAVNI DIJELOVI OBRAZLOŽENJA ZA DODJELU JAVNIH PRIZNANJA

- **Pravo na podnošenje prijedloga za dodjelu javnih priznanja Općine Velika Kladuša imaju:** vijećnici Općinskog vijeća, građani, državni organi, mjesne zajednice i druge institucije, javne ustanove, javna i druga preduzeća, udruženja građana, političke stranke i druga fizička i pravna lica.

- Prijedlog za dodjelu javnog priznanja Općine Velika Kladuša podnosi se Komisiji za odlikovanja i druga javna priznanja Općine Velika Kladuša.

- Prijedlog mora biti pismeno obrazložen i treba sadržavati potrebnu dokumentaciju.

- U ime pravnih lica i organizacija prijedlog podnosi najviši organ upravljanja, odnosno najviši organ predlagača.

- **Prijedlog za dodjelu javnih priznanja, pojedincu (fizičkom licu) obavezno sadrži:**

Osobne podatke (ime i prezime, jedinstveni matični broj građana, adresu prebivališta i radnog mjesta, mjesto i datum rođenja, najvišu završenu školsku spremu i zvanje, te puni naziv radnog mjesta i poslodavca), kratku biografiju, detaljan opis ukupnog djelovanja i dostignuća u oblastima zbog kojih se predlaže, popis odgovornih dužnosti sa naznakom mandata koje je kandidat obnašao ili obnaša, popis i godine dodjeljivanja drugih javnih priznanja i nagrada koje je kandidat ranije dobio uz pregledno navedene razloge podnošenja prijedloga.

Obrazloženju prijedloga obavezno se prilaže i eventualni popis naučnih, stručnih ili drugih radova sa kopijom naslovne stranice rada i potvrde o autorstvu, odnosno kopije odluka o dodjeli ranije dobijenih javnih priznanja i nagrada.

- **Prijedlog za dodjelu javnih priznanja pravnim licima obavezno sadrži:**

Podatke o predloženom pravnom licu (naziv, registarski broj, adresu, datum osnivanja, djelatnost, osobe ovlaštene za zastupanje, broj članova, odnosno broj zaposlenih), prikaz razvoja, ukupnog djelovanja, rada i dostignuća pravnog lica, iscrpan opis dostignuća zbog kojih se pravno lice predlaže sa njihovom ocjenom, te popis i godine dodjeljivanja javnih priznanja i nagrada koje je pravno lice primilo u ranijem periodu.

Obrazloženju se prilaže kopija odluka o dodjeli javnih priznanja i nagrada iz ranijeg perioda.

Za javna priznanja ne mogu se predlagati dužnosnici Općine Velika Kladuša za vrijeme trajanja mandata na koji su izabrani.

3. ROK ZA PODNOŠENJE I NAČIN DOSTAVLJANJA PISMENIH PRIJEDLOGA

- pismeni prijedlozi se podnose u roku od 30 dana od dana objavljivanja javnog obavještenja, odnosno zaključno sa 10.01.2020. godine,

- prijedlozi se dostavljaju putem prijemne kancelarije Općine Velika Kladuša sa naznakom za «Komisiju za odlikovanja i druga javna priznanja».

Predsjednik Komisije
Abdulah Mehurović